

Transumptis  
credi man-  
dat.

ad verbum de indulto hujusmodi mentionem.  
§.20. Volumus autem, quod earumdem præsentium transumptis etiam impressis, manu alicujus Notarii publici subscriptis, & sigillo communi dicti Collegii, aut alicujus Curie Ecclesiasticae, seu personæ in dignitate ecclesiastica constitutæ munitis eadem prorsus fides in iudicio, & extra, ac alias ubicumque opus fuerit, habeatur, quæ haberetur eisdem præsentibus, si forent exhibitæ, vel ostensæ.

Sanctionem  
penalem su-  
peraddis.

§.21. Nulli ergo omnino hominum liceat hanc paginam nostræ erectionis, institutionis, attributionis, subjectionis, submissionis, constitutionis, creationis, statuti, ordinationis, indulti, communicationis, concessionum, largitionis, approbationis, confirmationis, decretorum, mandatorum, derogationis, & voluntatum infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 1.  
Junii 1627.  
An. IV.

Datum Romæ apud Sanctam Mariam Majorem anno Incarnationis Dominicæ millesimo sexcentesimo vigesimo septimo, Kalend. Junii, Pontificatus nostri Anno Quarto.

CCXXVI.

Nova Institutio Collegii in Civitate Viennæ Austriæ pro Scholaribus Germanicæ Nationis cum proventuum assignatione, & communicatione privilegiorum.

*Viennense Collegium institutum fuit a Gregorio XIII. Alia Collegia ab Urbano VIII. instituta, seu restituta, & ad propagationem Catholicæ Fidei utilissima, lege in Constitutione præcedenti.*

URBANUS EPISCOPUS

SERVUS SERVORUM DEI.

Ad perpetuam rei memoriam.

Præmium.

Quoniam divinæ bonitati visum est, humilitatem nostram turbulentissimis Christianæ Reipublicæ temporibus ad universalis Ecclesiæ regimen vocare, ex eo tempore Nos, ejusdem adjuvante gratia, ea cogitare, & agere non desistimus, quæ sicut officii nostri ratio postulat, ad divinum ubique cultum propagandum, & ecclesiasticam disciplinam restaurandam, & augendam, animarumque salutem procurandam maxime cognovimus pertinere.

Causæ istius  
Erectionis.

§.1. In primis vero animo recolentes amplissimam Germanicæ Provinciam, quæ superioribus seculis inter fortissimæ ipsius Nationis laudes, atque virtutes, tanto sinceræ fidei, & Christianæ Religionis cultu eminere solebat, ut reliquis Christianæ Reipublicæ partibus non minori exemplo

AN. CH.  
1627.

ex Valleſia, Rhetia, & Bernia Alumnos haberi non posse, tunc & eo casu, post factas à Rectore dicti Collegii, & demum à dilecto filio moderno, & pro tempore existente nostro, & Sedis Apostolicæ Nuntio apud charissimum in Christo filium nostrum modernum, & pro tempore etiam existentem Romanorum Regem in Imperatorem electum commorante diligentias, Alumni Austriaci in locum eorum assumi debeant, Apostolica auctoritate tenore præsentium de novo ex integro perpetuo erigimus, & instituiamus.

Dotis assigna-  
tio d. Colle-  
gio 1380. scu-  
torum mone-  
te annuorū.

§.3. Illique sic erecto, & instituto pro congrua ejus dote, ac Alumnorum præfatorum, & illis inservientium personarum sustentatione, onerumque illis incumbentium supportatione, redditus annuos mille trecentorum octoginta scutorum monetæ hujusmodi ex Camera Apostolicæ pecuniis quotannis sumendos, & numerandos, distributa in trimestres singulos pro rata solutione, quoad de totidem reddituum summa in bonis stabilibus eidem Collegio à Nobis, vel successoribus nostris Romanis Pontificibus fuerit provisum, eisdem auctoritate, & tenore concedimus, & attribuiamus.

Ejusdem Col-  
legii regimen,  
& institutio  
demandatur  
presby. Soc.  
Jesu.

§.4. Cæterum, cum dilectorum filiorum Presbyterorum Societatis Jesu in hoc educandorum, instituendorumque Alumnorum munere diligenter, fides, integritas, & in aliis hujusmodi Collegiis, & in hoc ipso factis cognita sit, atque perspecta, idem Collegium, atque Scholares illius Presbyterorum, sicut adhuc fuit, regimini, institutioni, doctrinæ, atque prudentiæ eadem auctoritate etiam perpetuo subijcimus, atque submittimus.

Protektorum,  
& Viceprote-  
ktoris Collegii  
deputatio.

§.5. Præterea, ut ejusdem Collegii conservationi, bonoque tam in his, quæ ad Scholarium institutionem, & disciplinam, quam quæ ad victum, vestitum, aliisque hujusmodi necessaria pertinent, opportunus consulatur, & promptum eis paratumque auxilium sit, Sanctæ Romanæ Ecclesiæ Cardinales Sacræ Congregationi de Propaganda Fide præfectos præfatos nunc, & pro tempore existentes ejusdem Collegii Protectores, & Defensores, qui in Viceprotectorem illius Venerabilem fratrem nostrum Episcopum Viennensem, nunc, & pro tempore existentem, ita tamen, ut in gravioribus nihil præcipere, aut mandare, vel facere valeat sine consilio, & consensu Nuntii præfati, quibus aliquid eorum, quæ vel in hac fundatione, vel in regulis à Congregatione præfata approbatis continentur, immutare minime licebit absque ejusdem Congregationis, vel Romani Pontificis pro tempore existentis expressa licentia, deputare possint, & valeant, eadem auctoritate constituimus, atque creamus.

Eorundem  
auctoritas, &  
facultates.

§.6. Illisque, ac Viceprotectori præfato pro salubri illius conservatione, Alumnorum, honorum, & rerum, ac Jurium temporalium, & spiritualium ejusdem plenam, & liberam facultatem, & auctoritatem Oeconomos, Advocatos, & Procuratores in eo  
Ball. Rom. Tom. VI. Par. I.

deputandi, & amovendi, ac alios in eorum locum substituendi, differentias, lites, & controversias inter quascumque personas, tam Alumnorum, quam ministrantium, Clericorum, & Laicorum, non tamen Presbyterorum ipsius Societatis exortas, summarie, simpliciter, & de plano sine figura, aut strepitu Judicii, appellatione quacumque remota, decidendi, definiendi, terminandi, & exequendi, statutaque, & ordinationes, disciplinam domesticam, & studia Alumnorum præfatorum concernentia, æqua tamen, & honesta, sacrisque Canonibus, & Concilii Tridentini Decretis non repugnantia faciendi, & condendi, eaque, cum opus fuerit, revocandi, immutandi, & corrigendi, aliaque de novo condendi, quæ, postquam facta, edita, revocata, immutata, & correctæ fuerint, perinde habeantur, & observentur, ac si auctoritate apost. approbata, & confirmata essent, prout illa ab omnibus dicti Collegii Alumnis ita haberi, & inviolabiliter observari mandamus, plenam, & liberam auctoritate, & tenore præmissis concedimus facultatem.

Modus, &  
forma admi-  
ssionis Alum-  
norum.

§.7. Quod autem ad dictorum Alumnorum admissionis modum, & formam deinceps habendam attinet, Rectorem præfatum dicti Collegii pro tempore existentem librum habere, in quo notentur nomina, & cognomina, ac patris, & parentes Alumnorum, qui recipiuntur in dicto Collegio, & ex eo dimittentur, ex dictoque libro singulis annis catalogum eorum, qui recepti, & qui dimissi fuerint, cum die, menseque ingressus, & egressus illorum Nuntio præfato mittere, ut ipse Nuntius illum præfatus de Propaganda Fide Congregationi transmittere possit. Quod si ex aliqua peculiari causa dimitti contigerit, eam etiam in dicto Catalogo exprimi; insigniores vero Alumnorum præfatorum actiones in eodem libro annotare, easque suo tempore eidem Nuntio significare, ut pariter de illis eadem Congregationem certiores facere valeat, quas ad Nos, & successores nostros Romanos Pontifices pro tempore existentes per eandem Congregationem deferri volumus, ut cum occasio tulerit, præmio cohoneſcentur.

Ac admini-  
strationis tem-  
poralium.

§.8. Ac denique alium librum, in quo dati, & accepti rationes diligentissime, & clarissime descriptæ sint, illaque singulis annis ad minus eidem Nuntio reddantur, & in ejus manibus relinquatur folium, vulgo Bilancium nuncupatum, in quo provisio Collegii, & alia, quæ ipsius Collegii, vel Alumnorum ratione acceperit, & ea, quæ illo anno pro ipsius Collegii, & Alumnorum sustentatione impenderit, notata existant, ut similiter ab eodem Nuntio ad Urbem mitti possit, etiam habere. Si quid autem de tota pensionis Pontificiæ summa, redditus rationibus, supererit, id vel in aliis Alumnis evocandis, vel in necessariis libris emendis, vel in vestiendis Alumnis dimittendis, vel etiam in redditibus augendis, aut in aliis Collegii necessitatibus arbitrio



Alumnorum privilegia in susceptione sacrorum Ordinum.

trio Nuntii, & Episcopi Viennen. praefatorum impendi debere, eadem auctoritate statuimus, & ordinamus.

§.9. Ut verò hujus Collegii Alumni post longos studiorum aut ceptorum, vel consummatorum labores expeditiores, & alacriores ad succurrendum Patriæ necessitatibus reddantur, eisdem Alumnis, ut cum solis literis testimonialibus dicti Collegii Rectoris pro tempore existentis Episcopo Vienn. offerendis, casque ab eo subscribendis, ac sigillo muniendis, nisi forte Alumni praefati suos Ordinarios habuerint, a quibus dimissorias à Concil. Tridentino ordinatas habere possint, ad omnes etiam sacros, & Presbyteratus Ordines sine aliquo Beneficii, vel patrimonii titulo, etiam extra tempora ad id a jure statuta, & intra annum, annique circulo non expectato, minusque servatis ad id à Concilio Tridentino designatis interstitiis ( dummodo ad id alias reperiantur idonei ) promoveri, & postquam promoti fuerint, in illis etiam in Altaris ministerio ministrare, ac etiam tam ipsi, quam ceteri omnes in dicto Collegio degentes, ut Pœnitentiæ, & Eucharistiæ etiam die Paschatis, & extremæ Unctionis Sacramenta à Confessario, aut alio Sacerdote ipsius Collegii a dicto Rectore constituendo suscipere libere, & licite valeant, auctoritate, & tenore præmissis de speciali gratia indulgemus.

Et in privilegio Beneficiorum Ecclesiasticorum.

§.10. Verum, ut quantum fieri poterit, dictorum Alumnorum paupertati, & necessitati succurratur, Archiepiscopos, Episcopos, & alios antedictarum Provinciarum Beneficiorum Ecclesiasticorum Collatores, & Collatrices serio requirimus, atque monemus, ut in illis conferendis, & praesertim si Beneficia hujusmodi pro tempore obtinentibus imminet cura animarum, Alumnos praefatos aliis omnibus ceteris paribus praferant: Nuntios quoque Sedis Apostolicæ, aliosque Prælatos supradictarum Provinciarum, in quorum diocesi Alumni praefati extiterint, similiter monemus, & hortamur, ut in occurrentibus Beneficiorum hujusmodi, & praesertim curam animarum habentium vacationibus, quorum collatio, provisio, vel dispositio quocummodo ad Sedem Apostolicam pertinuerit, de illis Alumnis antedictis pauperioribus, præcipueque nostra Pontificia gratia dignis, Nos, Successoresque nostros Romanos Pontifices pro tempore similiter existentes certiores faciant, ut munificentiam nostram erga illos, prout tempus, vel occasio tulerit, exercere possimus. Et generaliter in Dignitatibus, Personatibus, Canoniciatibus, & Præbendis, Parochialibus Ecclesiis, & aliis Beneficiis Ecclesiasticis per collationem, vel electionem in Alumnorum Patriis providendis aliis omnibus ceteris paribus tam in Romana Curia, quam in Ecclesiis suis originalibus praferri volumus, & decernimus.

Communicatio omnium privilegiorum & indulgentiarum

§.11. Atque insuper eisdem Collegio, & Scholaribus, Rectoribus, & Gubernatoribus omnia, & quaecumque privilegia, exem-

ptiones, libertates, facultates, & indulta, quibus studium generale Almae Urbis nostræ, & illius Rectores, Doctoresque, & in eo legentes quovis modo utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, quibusque Collegium, & Scholares, ac Rectores, & Gubernatores hujusmodi non solum ad eorum instar, sed pariformiter, & æquè principaliter uti, potiri, & gaudere possint, & valeant, in omnibus, & per omnia eisdem auctoritate, & tenore communicamus.

AN. CH. 1627. studio generalis Urbis concessorum.

§.12. Ut verò temporalibus commodis spiritualia munera quoque conjungamus, quibus fidelium devotio, & merita crescere magis, & augeri possint, de ejusdem omnipotentis Dei misericordia, ac Beatorum Petri & Pauli Apostolorum ejus auctoritate confisi, omnibus, & singulis Scholaribus, Rectoribus, & Ministris, qui in idem Collegium recepti fuerint, in ipso ingressu, & deinde in exitu, quidem confessi, & contriti Sanctissimum Eucharistiæ Sacramentum sumpserint, atque etiam si in eodem Collegio decedere eos ab humanis contigerit, in mortis articulo plenariam omnium, & singulorum peccatorum suorum Indulgentiam, & remissionem misericorditer in Domino concedimus, & elargimur.

Indulgentiarum plenarie clarificatio.

§.13. Postremo quascumque regulas, & constitutiones ad ejusdem Collegii, illiusque personarum, rerum, & bonorum spiritualium, & temporalium curam, regimen, gubernium, & directionem, & administrationem, ac Alumnorum praefatorum receptionem, admissionem, victum, amictum, instructionem, disciplinam, & alia quomodolibet pertinentia à dicta sacra de Propaganda Fide Congregatione die nona Novembris millesimi sexcentissimi vigesimi sexti edita etiam perpetuo approbamus, & confirmamus, illasque ab omnibus inviolabiliter observari volumus, & mandamus.

Approbatio Statutorum à Congregat. de Propag. Fide pro ipsius Collegii gubernio eorumque observantia.

§.14. Decernentes, præmissa omnia, & singula, ac praesentes nostras Literas nullo unquam tempore ex quibuscumque causis de subreptionis, vel obreptionis, seu nullitatis vitio, aut intentionis nostræ, vel quocumque alio defectu notari, impugnari, retractari, seu etiam revocari, suspendi, restringi, limitari, aut in jus, vel controversiam vocari, seu ad terminos juris reduci posse, nec quemquam ad easdem praesentes in Camera Apostolica, juxta Constitutionem piæ memoriæ Pii Papæ IV. etiam Praedecessoris Nostri desuper editam, aut alias quandoque presentandum, insinuandum, & registrari faciendum teneri, neque propterea illa invalida esse, sed omni modo valere, ac si Constitutio praefata, & alia contraria minime emanassent.

Clausula præservativa.

§.15. Sicque per quoscumque Judices ordinarios, & delegatos, etiam Camera Apostolicæ Præsidentes & Clericos, ejusdem Sanctæ Romanæ Ecclesiæ Camerarium, Vicecamerarium, & causarum Palatii Apostolici Auditores, ac alios dictæ Romanæ Eccle-

Clausula sublatæ.

Executorum istius Const. deputatio.

Ecclesiæ Cardinales, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere, irritum quoque, & inane, quicquid secus fuerit his à quoquam quavis auctoritate scienter, vel ignoranter contigerit attentari.

§.16. Quocirca Venerabili fratri Episcopo Vienn. & Nuntio praefato, necnon dilecto filio causarum Curia Camera Apostolicæ generali Auditori Motu pari per apostolica scripta mandamus, quatenus ipsi vel duo, aut unus eorum per se, vel alium, seu alios praesentes nostras literas, & in eis contenta quaecumque, ubi, & quando opus fuerit, ac quoties pro parte Rectoris, & Alumnorum Collegii hujusmodi fuerint requisiti, solemniter publicantes, illisque efficacis defensionis praesidio assistentes, faciant auctoritate nostra easdem praesentes, & in eis contenta hujusmodi ab omnibus, ad quos spectat, & in futurum pro tempore spectabit, firmiter, & inviolabiliter observari: ac Rectorem, & Alumnos hujusmodi illis pacifice frui, & gaudere, non permittere eos desuper per quoscumque quomodolibet indebitè molestari: Contradictores quoslibet, & rebelles per censuras, & poenas ecclesiasticas, aliaque opportuna juris, & facti remedia, appellatione postposita, compescendo, ac censuras, & poenas ipsas, servata forma ejusdem Sacri Concilii Tridentini, etiam iteratis vicibus aggravando, invocato etiam ad hoc, si opus fuerit, auxilio brachii secularis.

Contrictorum abrogatio.

§.17. Non obstantibus nostra de gratis ad instar non concedendis, ac praefata Gregorii Praedecessoris hujusmodi, quatenus opus sit, & quatenus reperiretur, necnon quibusvis Apostolicis Constitutionibus, & Ordinationibus, ac statutis, & consuetudinibus, privilegiis quoque, indultis, & Literis Apostolicis quibusvis Universitatibus, Collegiis, eorumque Rectoribus, & personis etiam sub quibusvis verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis in genere, vel in specie, etiam Motu, & potestatis plenitudine similibus, & aliis quomodolibet iteratis vicibus concessis, approbatis, & innovatis: Quibus omnibus, etiam si pro eorum sufficienti derogatione de illis, eorumque totis tenoribus specialis, specifica & expressa, ac individua, & de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in eis tradita observata, inserti forent, eisdem praesentibus pro plene, & sufficienter expressis habentes, illis alias in suo robore permanens, hac vice dumtaxat specialiter, & expresse harum serie derogamus, contrariis quibuscumque. Aut si quibusvis communiter, aut divisim ab Apostolica sit Sede indultum, quod interdici, su-

spendi, vel excommunicari non possint per Literas Apostolicas non facientes plenam, & expressam, ac de verbo ad verbum de indulto hujusmodi mentionem.

Transumptorum fides.

§.18. Volumus autem, ut praesentium transumptis manu Notarii publici subscriptis, & sigillo communi dicti Collegii, aut alicujus Curia Ecclesiasticæ, seu personæ in dignitate ecclesiastica constitutæ munitis eadem prorsus fides in iudicio, & extra habeatur, quæ haberetur eisdem praesentibus, si forent exhibitæ, vel ostensæ.

Decretum penale.

§.19. Nulli ergo omnino hominum liceat, hanc paginam nostræ erectionis, institutionis, attributionis, subjectionis, constitutionis, creationis, statuti, ordinationis, indulti, requisitionis, monitionum, exhortationis, communicationis, conjunctionis, concessionum, elargitionis, approbationis, confirmationis, decretorum, mandatorum, derogationis, & voluntatum infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 7. Junii 1727 An. IV.

Datum Romæ apud Sanctam Mariam Majorem, anno Incarnationis Dominicæ millesimo sexcentesimo vigesimo septimo, Kalendis Junii, Pontificatus Nostri Anno Quarto.

CCXXVII.

Declaratio, quod Fratres Cappuccini sunt vere Fratres Minores Ordinis S. Francisci, ac ex illius vera, & nunquam interrupta linea descendunt, sub illius Regula militant, & militaverunt.

Hoc idem decreverat Paul.V. in Const. CXXI. Ecclesiæ. Tom.V. Par.III. fol. 348. Et eisdem ut Crucem propriam in publicis Processionibus ubique locorum deferre possent indultis in Const. CCLXXIX. Pastoralis. Tom.V. Par.IV. fol. 244. Ac habitus eorum, vel consimilis delationem prohibuit Gregor.XV. in Const. XLV. Ex inuncto. ibid. fol. 416. Vbi aliam Gregor. XIII. habes super eadem materia Const. insertam. Et de tota ipsorum Religione plene notatum est ad Const. XXIV. Religionis. Tom.III. Par.III. fol. 73.

URBANUS PAPA VIII.

Ad futuram rei memoriam.

Præmissa

Salvatoris, & Domini nostri, qui charitas est, & Deus pacis, vices ( licet immeriti ) gerentes in terris, inter gravissimas multiplicisque apostolicæ servitutis curas, in eam peculiari sollicitudine jugiter incumbimus, ut Christiani fideles, qui in sortem Domini vocati ejus obsequiis diu, nocteque mancipati sunt, sublatis quibuslibet dubiis, & controversiis, Altissimo reddant abundanter fructus suos: nec ab iis, quorum est



Dubitatum fuit tempore Pauli V. utrum Fratres Capucini essent de vera linea S. Francisci.

Qui omnibus bene visis declaravit esse in sua Constit. in Rubrica citat.

Modo hoc idem in dubium revocatur prae-textu nonnullorum verborum.

Quod iste Pont. omnino tollit declarando esse ex vera, & nunquam interrupta linea, & sub ipsa Sancti Francisci regula militasse, & militare.

evangelizare pacem, & bona, veritatem, vero temere impugnando, pacem cum scandalo pusillorum scindere non verentur, a sua sancta vocatione distrahantur.

§.1. Alias siquidem a fel. rec. Paulo Papa V. praedecessore nostro accepto a nonnullis in dubium revocari, an Fratres Ordinis ejusdem Sancti Francisci Capucini nuncupati essent vere Fratres Minores, & etiam quoniam regulam Sancti Francisci profiterentur, filii Sancti Francisci, cum tempore Sancti Francisci instituti non fuerint, pariterque an eorum Constitutiones aliquid haberent, quod Regulae Sancti Francisci repugnaret?

§.2. Idem Paulus praedecessor sua perpetua vilitate Constitutione declaravit, Fratres Capucinos esse vere Fratres Minores, ac etiam quamvis tempore Sancti Francisci minime instituti fuerint, cum tamen ejus regulam profiteantur, atque eorum instituta congruant tam regulae statuta, quam ejusdem regulae declarationibus, quae habentur in Constitutione fel. rec. Clementis Papae V. praedecessoris nostri, in generali Concilio Viennensi edita, quae incipit. *Enivi de Paradiso*, filios Sancti Francisci, eorum praeterea Constitutiones nihil continere, quod non sit regulae Sancti Francisci praefatae consentaneum, irritanti etiam decreto desuper apposito, & alias prout in dicti Pauli Praedecessoris desuper in simili forma Brevis sub die 15. Octobris 1608. expeditis literis, quarum tenores praesentibus pro plene, & sufficienter expressis haberi volumus, plenius continetur.

§.3. Cum autem, sicut dilectus filius Franciscus Genuensis, eorumdem Fratrum Capucinorum Procurator Generalis, Nobis nuper exponi fecit, praetextu illorum verborum, videlicet: Quamquam tempore Beati Francisci instituti non fuerint: a nonnullis in dubium revocetur, an iidem Fratres Capucini ex vera, & nunquam interrupta linea S. Francisci originem trahant.

§.4. Nos aequum, & rationi consonum fore censentes, ut qui verbo, & exemplo veros se Beati Francisci imitatores ostendant, tales ab omnibus absque ulla controversia habeantur, attentiusque considerantes, eorumdem Fratrum Capucinorum originem, seu principium illorum esse realiter, & cum effectu computandum a tempore primae, & originalis institutionis regulae Seraphicae, cujus observantiam ipsi Fratres Capucini semper sine aliqua interruptione continuarunt; eorumdem Fratrum Capucinorum quieti, quantum Nobis ex alto conceditur, consulere, eosdemque Fratres Capucinos specialibus favoribus, & gratis prosequi volentes, eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt, harum serie absolventes, & absolutas fore censentes, supplicationibus dicti Francisci Procuratoris Generalis totius

Ordinis eorumdem Fratrum Capucinorum nomine Nobis super hoc humiliter porrectis inclinati; re prius per Venerabiles Fratres nostros S. R. E. Cardinales negotiis Regularium praepositos mature discussa, de eorumdem Cardinalium consilio, hac nostra perpetuo valitura Constitutione, Fratres Capucinos praefatos fuisse, & esse ex vera, & nunquam interrupta linea, ac veros, & indubitatos Fratres Ordinis Sancti Francisci, & illius regulae observatores, subque ipsius Beati Francisci regula militasse, & ad praesens quoque militare.

§.5. Sicque ab omnibus, & singulis censeri, ac reputari, & judicari debere, irritumque, & inane, si secus super his a quocumque quavis auctoritate scienter, vel ignoranter contigerit attentari, apostolica auctoritate, tenore praesentium decernimus, & declaramus.

§.6. Quocirca omnibus, & singulis venerabilibus Fratribus Patriarchis, Archiepiscopis, Episcopis, ac dilectis filiis nostris, & Apostolicae Sedis Nuntius, per praesentes committimus, & mandamus, quatenus ipsi per se, vel alium, seu alios praesentes literas, & in eis contenta quaecumque, ubi, & quando opus fuerit, & quoties pro parte Fratrum Capucinorum praefatorum fuerint requisiti, solempniter publicantes, illisque in praemissis efficacis defensionis praedio assistentes, faciant auctoritate nostra eos praemissis omnibus, & singulis, iuxta praesentium continentiam, & tenorem, pacifice frui, & gaudere. Non permittebant, eos desuper a quoquam quavis auctoritate quomodolibet indebite molestari, contradicere quolibet, & rebelles per sententias, censuras, & poenas ecclesiasticas, aliaque opportuna juris, & facti remedia, appellatione postposita, comescendo, legitimeque super his habendis servatis processibus, censuras, & poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

§.7. Non obstantibus praemissis, ac Constitutionibus, & Ordinationibus Apostolicis, ceterisque contrariis quibuscumque.

§.8. Volumus autem, ut praesentium transumptis, etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis eadem prorsus fides in iudicio, & extra adhibeatur, quae eisdem praesentibus adhiberetur, si forent exhibite, vel ostensa.

Datum Romae apud S. Mariam Majoris sub annulo Piscatoris die vigesima octava Junii 1627. Pontificatus nostri Anno IV.

Clausula sublata.

Executores deputati.

Derogatio contrarium.

Fides danda transumptis.

Dat. die 28. Junii 1627. An. IV.

Facul-

CCXXVIII.

Ex Regest. in Secret. Brevis.

Facultas Antonio Cardinali Barberino in casu devolutionis Status Urbini inspiciendi, & retinendi scripturas ad Sedem Apostolicam pertinentes, ac declarandi infra duos menses, quam Tormentorum bellicorum, & aliorum quorumvis armorum, nec non falsi quantitatem pro eadem Sede voluerit.

Dilecto filio nostro Antonio Tituli Sancti Monuphrii Presbytero Cardinali nostro secundum carnem fratri Germano.

URBANUS PAPA VIII.

Dilecte fili noster salutem, & apostolicam benedictionem.

Exordium:

Spesata diu circumspectionis tuae in gravissimis nostris, & hujus Sanctae Sedis negotiis pertractandis fides, prudentia, & integritas, aliaque eximia insignium virtutum dona, quibus illarum largitor Altissimus personam tuam multipliciter insignivit, plane exigunt, ut ea illi munia demandemus, quae Nobis maxime cordi sunt, firma spe in Domino freti, Te in eis obeundis desiderio nostro cumulate satis facturum.

Recentes facultates Card. Barberino, aliisque delegatis in casu devolutionis Ducatus Urbini.

§.1. Cum itaque Nos pridem Ven. Fratris Pauli Aemilio Archiepiscopo Urbinate, ac dilectis filiis Provinciae Marchiae Anconitanae, necnon Civitatis Perusinae, ejusque Comitatus, & Districtus, Provinciaeque Umbrae Gubernatoribus, ac Provinciae nostrarum Romandiolae, atque Exarcatus Ravennae Praefidi, nonnullisque aliis diversas facultates per nostras in simili forma Brevis desuper expeditas literas, quibus illis casu aperitionis, ac devolutionis ad Nos, & Romanam Ecclesiam, Sedemque, & Cameram Apostolicam Feudi Ducatus Urbini, necnon Civitatum Senogallienae, & Pilsauren., ac Status Montisferetran. illorumque Dominiorum, Civitatum, Oppidorum, Terrarum, Fortalitiorum, & locorum quorumcumque, etiam speciali nota, & expressione dignorum in, & sub Statu dicti Ducatus Urbini ad praesens quomodolibet comprehensorum, seu per ipsum Ducem quomodolibet possessorum quandoque, & quomodocumque eveniente, seu succedente, uti valeret, ac etiam circumspectioni tuae similes, vel alias facultates praemissorum occasione concesserimus, prout in dictis literis, quarum tenores praesentibus pro expressis haberi volumus, plenius continetur.

Nunc eidem Card. facultatem tribuit, de qua in Rubrica.

§.2. Idcirco, ut ea, quae tuae fidei commisimus, eo melius, atque salubrius exercere, atque obire valeas, quo amplioribus fueris a Nobis, & eadem Sede facultatibus sussultus, opportune providere volentes, motu proprio, & ex certa scientia, ac matura deliberatione nostris, deque apostolicae potestatis plenitudine, Tibi, ut casu ape-

ritionis, ac devolutionis praedictarum, quandocumque, & quomodocumque eveniente, seu succedente juxta Instrumentum Concordiae desuper sub die 30. Aprilis 1624. celebratum per Te, vel alium, seu alios, Te, quoties tibi videbitur, deputari, & substitui, quatenusque scripturas ad eandem Sedem spectantes, & pertinentes diligenter inspiciere, & retinere, ac infra duos menses a die habitae possessionis hujusmodi computandos, quam Tormentorum bellicorum, & quorumvis aliorum armorum, cujusvis generis, necnon falsi quantitatem pro eadem Sede volueris, declarare, aliaque omnia, & singula in praemissis, & circa ea necessaria, & quomodolibet opportuna, etiam si talia sint, vel fuerint, quae magis specialem, specificam, & expressam requirent mentionem, quandocumque Tibi videbitur, auctoritate nostra facere, dicere, gerere, mandare, jubere, & exequi libere, & licite possis, & valeas, tenore praesentium plenam, liberam, & amplam facultatem, & auctoritatem concedimus, & impartimus.

§.3. Mandantes propterea omnibus, & singulis subditis nostris immediatis, & mediatis, necnon etiam Ecclesiasticis secularibus, & regularibus personis cujuscumque dignitatis, status, gradus, ordinis, & conditionis existentibus, & quacumque auctoritate, potestate, munere, sive officio fungentibus in virtute sanctae obedientiae, ac sub indignationis nostrae, necnon rebellionis, & etiam excommunicationis latae sententiae poenis, ut tibi in praemissis omnibus, & singulis quacumque excusatione, tergiversatione, & impedimento remotis, in omnibus, & per omnia prompte pareant, obediant, & assistant, tuaque, & personarum a Te forsitan deputandarum monita, iustitia, & mandata, ea qua decet obedientiam, & fide exequantur, & adimpleant, alioquin sententiam, sive poenam, quam rite tuleris, seu statueris in rebelles, ratam habebimus, & faciemus auctore Domino inviolabiliter observari.

§.4. Non obstantibus omnibus illis, quae in literis praedictis volumus non ob stare, ceterisque contrariis quibuscumque.

Datum Romae apud Sanctam Mariam Majorem sub annulo Piscatoris die tertia Julii 1627. Pontificatus nostri Anno IV.

Mandatum de parendo.

Obstantibus derogat.

Dat. die 31 Julii 1627. An. IV.

Sepa-



CCXXIX.  
Confirmatio nonnullorum Capitulum.,  
quæ inita sunt inter FF. Ord. B. M. de  
Mercede Redempt. Captiv., occasione  
separationis Discalceatorum a Calceatis.

URBANUS PAPA OCTAVUS

Ad perpetuam rei memoriam.

**I**N Sede Principis Apostolorum nullis licet nostris suffragantibus meritis, divina providentia constituti, Religiosorum Ordinum in Ecclesia Dei militantium prosperum statum, felicemque directionem sinceris desiderantes affectibus, ea, quæ propterea concorditer facta fuisse dicuntur, ut firma perpetuo, & illibata remaneant, Apostolicæ confirmationis robore libenter communimus, prout conspicimus in Domino salubriter expedire.

§.1. Cum itaque, sicut accepimus, aliis inter dilectos filios Fratres Ordinis B. Mariæ de Mercede Redemptionis Captivorum Calceatos ex una, ac Fratres ejusdem Ord. Congregat. Discalceatorum nuncupatorum ex altera partibus infra scripta Capitula occasione separationis, ac totalis dismembrationis Discalceatorum hujusmodi a Fratribus Calceatis prædictis de mandato dilecti filii nostri Gasparis tit. S. Crucis in Hierosalem Presbyteri Cardinalis Borgiæ nuncupati, ejusdem Ordinis apud Nos, & Apostolicam Sedem Protectoris, intervenientibus, & assistentibus dilectis similiter filiis Joanne de Antillon tunc uti Vicario Generali, & Provinciali, ac Procuratore Generali in Romana Curia, ac Petro de Gusman, etiam tunc Procuratore Provincia Castellæ ejusdem Ordinis, necnon Didaco de S. Paulo tunc similiter ejusdem Ordinis Procuratore Generali, inita fuerint tenoris sublequentis, videlicet.

§.2. In primis statuitur, quod supplicetur Sæ Sanctitati nomine partium supradictarum, ut pro hac vice dumtaxat dignetur nominare unum Vicarium generalem Recollectum, qui habeat eandem auctoritatem, Jurisdictionem, præminentiam, & superioritatem super omnes Recollectos, illiusque Monasteria utriusque sexus, quam habet Reverendiss. Generalis super totam Religionem Calceatorum, & qui similiter possit nominare Provinciales, Diffinitores, Electores, & Procuratores Generales Provinciarum Castellæ, Boitiæ, ac Siciliæ pro hac vice dumtaxat, & assignare locum, in quo sit celebrandum Capitulum Generale futurum, ac dividere, & nominare Provincias.

§.3. Item, quod Vicarius Generalis Apostolicus gubernet Recollectionem uti supremum caput a die notificationis Bullæ, seu Motus proprii emanandi in confirmationem horum Capitulum usque ad primum Capitulum Generale celebrandum, in die Pentecostes anni proximi venturi 1622. in quo poterit reeligi, si sic bene visum fuerit convenire Recollectioni.

Capitula observanda pro pacifica separatione.

De eligendo Vicario Generali Recollecto.

Tempus officii ejusdem designatur.

§.4. Item quod a die Pentecostes anni 1622. in posterum futuris perpetuo temporibus quolibet sexennio debeat celebrari Capitulum generale Recollectionis in die Pentecostes, servando in omnibus ordinem, qui servatur a Patribus Calceatis. Interim quod non fiant Constitutiones a Discalceatis.

§.5. Item, quod vox tam activa, quam passiva pro electione hujusmodi Vicarii Generalis solum competat Religiosis Recollectis, absque eo quod Patres Calceati, & eorum Reverendiss. Generalis possint modo aliquo concurrere, nec intervenire in illa, nec in illis actibus Capitularibus.

§.6. Item, quod Vicarius Apostolicus Generalis eligat in qualibet Provincia unum Procuratorem Generalem, & quatuor Diffinitores, ad quos pertineat, una cum Procuratore Generali Romanæ Curie, electio futuri Vicarii Generalis, qui debeat residere, vel nominare Præsidentem in omnibus Capitulis.

§.7. Item, quod si contigerit Vicarium Generalem Apostolicum ex hac vita migrare ante nominationem Provinciale, in tali casu succedat in officio ejusdem Vicarii Generalis Commissarius, qui fuerit Boitiæ, & in illius defectum Commendator, qui tunc temporis fuerit Monasterii S. Barbæræ Oppidi Matriti, & eo non existente, Commendator Recollectus Civitatis Hispanensis, & in defectum talis Commendatoris, ille, qui fuerit Monasterii nuncupati de San Lucas de Barrameda; quod si talis mors eveniat facta jam nominatione Provinciale, tunc temporis succedat in dicto Officio Vicarii Generalis Provincialis ejusdem Provincia, cujus erat Vicarius Generalis, & eo deficiente Vicarius Provincialis, & illo non existente, Diffinitor antiquior ejusdem Provincia.

§.8. Item, quod Reverendiss. Generalis, & Patres Provinciales Calceati renunciant omni meliori modo de jure locum habente Jurisdictioni, potestati, superioritati, & præheminentiæ illis quomodolibet spectanti, vel que in futurum quomodolibet poterit spectare, vel pertinere super Recollectionem, illiusque Monasteria utriusque sexus. Item, quod similiter renunciant actioni interveniendi Capitulis Generalibus, & Provincialibus Discalceatorum, in quibus nullus Calceatus possit intervenire, nec modo aliquo vocem habere. Item, quod similiter Patres Calceati renunciant omni superioritati, jurisdictioni, electioni, & actioni quomodolibet competentibus illis, vel pro tempore competituris ad obtinendum prælationes in Monasteriis Religiosorum Recollectionis utriusque sexus nunc, & pro tempore existentibus, excepto Monasterio Monialium Recollectarum Oppidi Matriti, quia hoc Monasterium debet remanere sub eadem obedientia, sub qua modo militat.

§.9. Item, quod Patres Recollecti non possint assistere Capitulis Generalibus, vel Provincialibus Calceatorum, nec in illis habere.

habere vocem, sive active, sive passive, & quoad hunc articulum renunciant omni actioni, & juri nunc, & pro tempore quomodolibet eis competenti. Item, quod similiter renunciant, & abdicant a se quamcumque prætensionem, actionem, vel jus, quæ nunc habent, & pro tempore quomodolibet habere, vel prætereendere possunt ad obtinendas prælationes in Monasteriis Calceatorum utriusque sexus, illis, vel illius Provinciae hucusque annexis.

§.10. Item pro quanto Recollectio rationabiliter veretur, ne tempus oblivioni mandet tot beneficia accepta a dicta Religione Calceatorum ejus matre, statuitur, quod Vicarius Generalis Recollectus infra tres menses a die suæ electionis teneatur illam præsentare Reverendiss. Generali Ordinis, qui, si fuerit canonica, necessarie illam confirmet: & hac sola præminentia reservatur Reverendiss. Generali super Recollectionem: quod si facere recuset intra quindecim dies ab illius præsentatione, accedat, & recursum habeat pro illius confirmatione ad Nuncium Sæ Sanctitatis in Regnis Hispaniarum commorantem.

§.11. Item ob paucitatem suffragiorum, quæ pro nunc in Capitulo Generali vocem habebant, statuitur, quod Procuratores Provinciales cujuscumque Provinciae Discalceatorum in electione Vicarii Generalis habeant vocem activam, sicut Definitores Capituli Generalis.

§.12. Item, quod Ministerium Redemptionis solum spectet Religiosis Calceatis, & quod Patres Recollecti non se intromittant in recipiendis legatis a Christianidelibus relictis ad dictum effectum, nec possint petere in suis Monasteriis, nec extra pro redimendis captivis, nec habere cippos, nec captas, nec aliquid aliud pro elemosyna petenda hac de causa, quia totum hoc debet mandari curæ, & sollicitudini Patrum Calceatorum dumtaxat, sicut usque nunc fuit in consuetudine. Et ad tollendos scrupulos, & sedandas conscientias, statuitur, quod nomine partium fiat instantia SS. D. N. quatenus dignetur declarare, Religiosos Recollectionis liberos, & deobligatos esse ab exequatione quarti voti, & similiter prædictarum partium nomine eidem Sanctissimo supplicetur, quatenus etiam dignetur communicare, & concedere Recollectioni omnia indulta, & privilegia, quæ hucusque in favorem Religionis Calceatorum a Sede Apostolica emanarunt, & imposterum emanabunt, etiam illa, quæ intuitu Redemptionis eidem Religioni sunt concessa, taliter quod talis extensio dumtaxat fiat quantum ad fructus spirituales, nullum reservando, & non quantum ad jus administrandi dictam Redemptionem, & percipiendi fructus, elemosynas, & alia ad eam quomodolibet spectantia, nam quantum ad hoc exclusi, & privati in perpetuum manebunt.

§.13. Item, quod omnia decreta, & Bullæ Apostolicæ in favorem Recollectionis concessa adimpleantur de verbo ad verbum, dummodo in toto, vel in parte non contraveniant his præsentibus Capitulis.

Capitula Generalia quolibet sexennio celebranda.

Calceati nullam vocem habent in his Capitulis.

Vocales, qui esse debeant.

Quid præstantiam eveniente obitu Vicarii Generalis.

Procuratoribus Provinciae vocalis affecta.

Discalceati nequeunt se negotio Redemptionis intromittere.

Cessiones favore Discalceatorum.

Et vice versa.

§.14. Item, quod Vicarius Generalis Recollectionis a Sæ Sanctitate electus statim, quod fuerit a Notario publico requisitus cum Brevi Apostolico, teneatur exercere suum officium, primitus, & ante omnia jurando adimplere in omnibus hæc Capitula, & quodcumque illorum: & contrarium faciendo gratia Sanctissimi sit, & intelligatur nullius valoris.

§.15. Item, quod concordia debeat tam a Religiosis Calceatis, quam Discalceatis in suis primis Capitulis Generalibus respective ratificari, & quod si quælibet ex partibus huic concordie contravenit in toto, vel in parte, vel illam non ratificaverit, videatur amittere jus, quod habebat contra aliam: Et similiter incurrere in penam viginti mille ducat. applicandorum alteri parti.

§.16. Item, quod ab utraque parte unanimiter supplicetur Sæ Sanctitati, ut dignetur approbare, & confirmare hanc concordiam per viam Motus proprii, vel alio meliori modo sibi beneviso, ut in totum finis imponatur litibus inter dictos Religiosos pendentibus. Item, quod supra scripta Capitula, & conventiones ad majus robur, & vim illorum a Procuratoribus Generalibus Calceatorum, & Discalceatorum prædictæ Religionis suis nominibus subscribi, & firmari debeant.

§.17. Nos inviolabili Capitulum hujusmodi observantia, felicique dictæ Congregationis regimini, atque gubernio, quantum cum Deo possumus, consulere, necnon ejusdem Congregationis fratres specialibus favoribus, & gratiis prosequi volentes, eorumque singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodate existunt, ad effectum presentium dumtaxat consequendum, harum serie absolventes, & absolutas fore censentes: Motu proprio, & ex certa scientia nostris, præinserta Capitula hujusmodi, citra tamen dispensationem super quarto voto hujusmodi apostolica auctoritate, tenore presentium approbamus, & confirmamus, illisque inviolabilis apostolicæ firmitatis robur adiciamus, ac omnes, & singulos, tam juris, quam facti defectus, si qui desuper quomodolibet intervenerint, supplemus.

§.18. Decernentes, eadem præinserta Capitula, necnon præsentem literas valida, firma, & efficacia existere, & fore, suoque plenarios, & integros effectus sortiri, & obtinere, & ab omnibus, ad quos spectat, & in futurum quomodolibet spectabit, firmiter, & inviolabiliter observari; sicque per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane, si secus super his a quocumque auctoritate scienter, vel ignoranter contigerit attentari.

§.19. Quocirca Venerabilibus fratribus Joanni Baptistæ Patriarchæ Antiocheno moder-

Vicarius Generalis debet stare Capitulis.

Hæc Concordia a partibus ratificanda.

Confirmatio præfatorum Capitulum.

Reservatio quarti Voti.

Decretum irritum.

Executores deputat.



moderno, & pro tempore existenti nostro, & Sedis Apostolicæ in Regnis Hispaniarum Nuncio, & Archiepiscopis, & Episcopis, in quorum Diocesi Monasteria, Domus, & alia dictorum fratrum Discalceatorum loca regularia erecta, & instituta sunt, & pro tempore erigi, & institui contigerit, per presentes committimus, & mandamus, quatenus ipsi, vel duo, aut unus eorum per se, vel alium, seu alios presentes literas, & in eis contenta quacumque, ubi, & quando opus fuerit, ac quoties pro parte eorumdem Fratrum Discalceatorum fuerint requisiti, solempniter publicantes, eisque in præmissis efficacis defensionis præsidio assistentes, faciant auctoritate nostra Fratres Discalceatos prædictos præmissorum commodo, & effectu pacifice frui, & gaudere, non permittentes illos desuper a quoquam quomodolibet molestari, vel perturbari.

Contraveniens  
suum penam.

§. 20. Contradictores quoscumque, & rebelles per sententias, censuras, & poenas ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc, si opus fuerit auxilio brachii secularis. Non obstantibus fel. record. Bonifacii Papæ VIII. Prædecessoris nostri de una, & in Concilio generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, dictique Ordinis etiam juramento, confirmatione apostolica, vel quavis firmitate roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis.

§. 21. Quibus omnibus, & singulis, eorum omnium tenores presentibus pro plene, & sufficienter expressis, & ad verbum insertis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Dat. die 8.  
Juli 1627.  
An. IV.

Datum Romæ apud S. Mariam Majorum, sub annulo Piscatoris, 8. Julii 1627. Pontificatus nostri Anno IV.

V. Theat.

Committitur Collectori Spoliorum in Regno Portugallie, ut Officiales Camera Ulyssipponensis absolvat a censuris, in quas incurrerant ob exacta ab Ecclesiasticis nonnulla vestigialia ad derivandam aquam in Urbem, in alios vero usus impensa.

Ex Regest. in  
Secret. Breve.

Venerab. fratri Laurentio Episcopo Hieracen. moderno, & pro tempore existenti Jurium, & Spoliorum Camera Apostolica in Portugallia, & Algarbiorum Regis Collectori generali.

URBANUS PAPA VIII.

Ven. Frater salutem, & apostolicam benedictionem.

§. 1. Exponi Nobis nuper fecerunt dilecti filii Præfidentis, & Officiales Camera Civitatis Ulyssipponensis, quod ipsi provide considerantes, Civitatem prædictam, quæ numero admodum Populo referta existit, aquarum dulcium, & Fontium penuria non mediocriter laborare, & aquam ad eandem Civitatem non nisi e locis ab ea multum distantibus derivari posse; Communitatis vero, & Hominum ejusdem Civitatis facultates gravibus expensis attritas esse, ac gravioribus propterea subeundis minime suppeteret, habitis prius desuper variis tractatibus, cum expensas hujusmodi nulla alia facili ratione, ac minori Communitatis, & Hominum prædictorum incommodo fieri posse judicarent, Gabellam unius regalis monetæ illarum partium, valoris autem unius quaterni circiter monetæ Romanæ super qualibet libra Carnis, necnon dimidii regalis hujusmodi super qualibet Vini, quod in Cauponis venditur, mensura Foglietta vulgo nuncupata per Carnes, & vinum ementes tam ecclesiasticos, quam seculares persolvendam imposuerunt, impositamque nonnullorum annorum spatio exegerunt, & ex ejusdem Gabelle pecuniis certam aquæ quantitatem, sed non eam, quæ sublevandis Communitatis, Civitatis, & Hominum prædictorum necessitatibus satis esset, in eandem Civitatem derivari curarunt, unde cum pecunias, quæ ex continuata dictæ Gabelle exactione provenerant, in residua, atque necessaria aquæ derivationem erogare decrevisset; alia vero ex parte animo revolverent clar. mem. Philippum III. Hispaniarum Regem Catholicum, qui de anno 1619. iter in Portugallie Regnum pro felici ipsius statu, gubernio, atque regimine susceperat, pro defensione fidei catholicæ, necnon obediencie erga Romanam Ecclesiam in omnibus Regnis, atque Ditionibus suis conservatione adeo magnos sumptus fecisse, ut non solum ordinariorum, & extraordinariorum Regnorum suorum, sed etiam patrimonii sui regalis redditus, omniaque illorum æraria fere absumpisset: Insuper diversas Nationes Reli-

Officialium  
Camerae Ulyssipponensis  
ce.

gionis catholicæ inimicas non solum omnia dicti Regni Maria infesta reddidisse, multos Christianos in miserabilem servitutem abducere, & pro earum redemptione ingentem pecuniarum vim e dicta Civitate extrahi; verum etiam suscepta a multis annis citra in Indias Orientales navigatione, ingentium navium multitudine comparata, nonnullas Arces, & Propugnacula in diversis Indiarum prædictarum partibus occupasse, sive construxisse, & animum ad alia occupanda adiacere, neque eas tot claffes, & arma tam in eisdem Indiarum, quam Regni prædicti partibus cum immensis etiam patrimonii charissimi in Christo filii nostri Philippi IV. Hispaniarum Regis Catholici impensis ad hunc finem instructa debellare potuisse; immo illas prævaluisse præsertim post occupatum a Peris earumdem nationum auxilio suffultis Propugnaculum Ormusii, itaut nisi de aliqua subventione eidem Philippo IV. Regi provideretur, evidentissimum periculum adesset, ne cætera ejusdem Philippi IV. Regis propugnacula, & loca ibi existentia amitterentur; his, & aliis similibus urgentibus causis fidei catholicæ defensionem, & propagationem concernentibus permoti, unum ducentorum, & octoginta millium Philippo III., & aliud ducentorum millium scutorum monetæ dicti Regni servitia, sive donativa, nuncupata Philippo IV. Regibus prædictis tam ex pecuniis dictæ Gabelle, quam ex quorundam censuum juro vulgo nuncupatorum super fructibus dictæ Gabelle per eisdem Præfidentem, & Officiales venditione constata obtulerunt, & concesserunt, censuras, & poenas ecclesiasticas per Sacros Canones, & Conciliorum generalium, necnon Bullæ in die Cœnæ Domini legi solite dispositionem contra Gabellas a personis ecclesiasticis quoquo modo exigentes inflatas damniabiliter incurrendo.

Commissio  
de qua in  
bricia.

§. 2. Cum autem, sicut eadem expositio subjungebat, aquæ prædictæ in dictam Civitatem derivatio non modo laicorum, sed etiam Ecclesiasticorum usibus inserviat, ac propterea Præfidentis, ac Officiales prædicti Nobis humiliter supplicari fecerint, ut sibi de absolutiois beneficio in præmissis opportune providere de benignitate apostolica dignaremur; Nos igitur Præfidentis, & Officialium prædictorum conscientiarum quieti, quantum cum Domino possumus, benigne consulere, illosque specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequentium serie absolventes, & absolutos fore censentes, supplicationibus illorum nomine Nobis super hoc humiliter porrectis inclinati, Fraternitati tuæ per presentes committimus, & mandamus, ut Præfidentem, & Officiales prædictos, & quoscumque alios, si hoc a Te humiliter petierint, im-

Bull. Rom. Tom. VI. Par. I.

posita illis, & eorum cuilibet arbitrio tuo poenitentia salutari, & aliis injunctis injungendis, & dummodo a similibus de cætero abstineant, a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis per eos, & eorum quemlibet præmissorum occasione, usque ad diem publicationis præsentium quomodolibet incurfis, auctoritate nostra, absolvas, & totaliter liberes, illisque dictas poenas, ac pecunias ad quamcumque summam ascendentes ab Ecclesiasticis ex dicta Gabella per eisdem Præfidentem, & Officiales, & alios prædictos quomodolibet exactas, gratiose remittas, & condones, eosque in pristinum, & eum, in quo, antequam præmissa emanarent, quomodolibet erant statum, restituas, reponas, & plenarie reintegres, sive ad ejusdem Præfidentis supplicationem, sive Officialium, & aliorum prædictorum tibi faciendam facultatem hujusmodi, vicesque tuas in præmissis quibusvis confessariis idoneis ubilibet existentibus, & ab Ordinariis locorum approbatis, modo, & forma similibus communices, & subdeleges.

Obstantium  
derogatio.

§. 3. Non obstantibus Apostolicis, ac in universalibus, provincialibusque Conciliis editis generalibus, vel specialibus, Constitutionibus, & Ordinationibus, ceterisque contrariis quibuscumque.

Dat. die 14.  
Juli 1627.  
An. IV.

Datum Romæ apud S. Mariam Majorum sub Annulo Piscatoris die Decima-quarta Julii 1627. Pontificatus nostri Anno IV.

CCXXXI.

Commissio eidem Collectori permittendi impositionem vestigialis etiam Ecclesiasticis super aqua dulci Ulyssipponem inducenda.

Ex Regest. in  
Secret. Breve.

Venerab. fratri Laurentio Episcopo Hieracen. moderno, & pro tempore existenti Jurium, & Spoliorum Camera Apostolica debitorum in Portugallia, & Algarbiorum Regis Collectori generali.

URBANUS PAPA VIII.

Ven. Frater salutem, & Apostolicam benedictionem.

§. 1. Hodie pro parte dilectorum filiorum Præfidentis, & Officialium Camera Civitatis Ulyssipponensis. Nobis exposito, quod ipsi provide considerantes, Civitatem prædictam numero admodum Populo refertam aquarum dulcium, & Fontium penuria non mediocriter laborare, & aquam ad eandem Civitatem non nisi e locis ab ea multum distantibus derivari posse; Communitatis vero, & hominum ejusdem Civitatis facultates gravibus expensis attritas esse, ac gravioribus propterea subeundis minime suppeteret, habitis prius desuper variis tractatibus, cum expensas hujus-

Ea refert,  
quæ in præcedenti  
constitutione facta  
sunt.